

Hans, bleib da

(M: Van der Wal/Gampe T: Gampe)

Sie ham gsagt es gangat um Aufschwung
Für a gschundene, derfieselte Region
Doch so genau miassts koana wissen
Es hättn ja alle was davon

Du hast gsagt, aber i wills wissen
Gspürt, dass di da was stört
Du Kennst deine Pappenheimer und dass
Zur Not a oana mal an Eid schwört

Ref:

Hans bleib da, mir wissma ned wias Wetter werd
Hans bleib da, mir wissma ned wias werd

Bist ned gscheida gwesn wia alle andern
Doch du bist gscheider worn
De oan denken mit da Maurerkelln und sagn
Du hättest an Verstand verlorn

Na zarrns di no vorn Richter diffa
Diffamiern glei no alle die di wählen
Damit scheuchas vielleicht an Hund vom Zaun
Aber ned an Maurergselln

Ref:

Hans bleib da, mir wissma ned wias Wetter werd
Hans bleib da, mir wissma ned wias werd

Du bist steh blieben, sonst wars ned ganga
Guad, dass so viel mit dir gstandn san
Heut wissens wieder oa besser, wia damals
Muasst lacha dann und wann

Gehst a no manchmal hinte in Forst
Spürst, wia die Zeit vergeht
Guad, dass die Kinder glernt habn
Dass man heut a wieder für was eisteht.

Ref:

Hans bleib da, mir wissma ned wias Wetter werd
Hans bleib da, mir wissma ned wias werd

Koana woass, koana woass
Wias weitergeht